

PASSALÉTAS



SOCIEDADE
GALEGA de
HISTORIA
NATURAL



- EDITORIAL Páxina 2..
- BREVES Páxina 3..
- INFORMES: Censo aves acuáticas 1.994 Páxinas 4-5.
Bichos Páxina 6-7.
Cetáceos Páxina 7.
- VARIOS Páxina 10-12.
- ENTOMOLOXÍA Páxina 13.
- BIBLIOTECA Páxina 14.
- TABOLEIRO Páxina 15.

editorial

FRAGAS DO EUME

Falar das fragas do Eume como espacio natural protexido non é asunto doado. Unha idea, un proxecto que en si mesmo é factible (máis que factible, necesario) foise enquistando nos últimos meses ata pasar de proxecto a problema, é de «factible» a «de difícil solución».

Por unha banda está a impopularidade do proxecto entre as xentes do lugar, a contestación dos Sindicatos ou a oposición dos alcaldes dos concellos afectados polo proxecto (caramba, que casualidade este apoio, precisamente agora que veñen as eleccións). Pola outra, a mesma existencia do proxecto, agora (non sen tempo) co patrocinio da Xunta de Galicia; a solicitude unánime de protección destas fragas polas asociacións de estudio e defensa do medio; ou os manifestos asinados por numerosos científicos de toda a Península, solicitando a protección.

O tema é complexo. A probabilidade de equivocámonos ó manifesta-la nosa postura, é evidente. Que chova a gusto de todos, imposible. Sen embargo, e tratando de analisa-lo tema friamente, determinados supostos nos parecen incuestionables.

¿Protexe-las fragas do Eume? Para empezar, con protección ou sen ela, non se pode continuar cos usos actuais e anárquicos onde cadaquén fai o que lle peta. Como en calquera outra circunstancia social hai que establecer, e de inmediato, unha normativa para determinadas actuacións. E que implique a todos, propietarios ou non. Porque non se pode tolera-lo que fixeron os energúmenos que pintaron, cagaron e romperon tanto lles deu a gana en Caaveiro. Porque tampouco se pode abrir unha pista que vai a ningures, como ali se fixo; ¿quen pode dar un motivo racional e creíble que xustifique a sua anchura? Tampouco se pode construir onde e como cada un queira, para que saian cousas tan feas, tan antiestéticas, como o bar-merendeiro que hai a pé do río. Porque cadaquén non pode mete-lo coche ata onde lle veña ben, saíndose fóra das vías de circulación existentes, ou lavalo no río. Porque non se pode tira-lo lixo acó e acolá. Como tampouco se pode acampar en calquera lugar e por riba facer lume (co risco de incendio) cortando leña onde lle cadre. Porque non pode existir nese lugar a ameaza dun novo encoro. E, finalmente, porque tampouco se pode consentir que nun lugar como este cada un, por moi propietario que sexa, corte e plante ó seu capricho.

Velai o tema conflictivo: a propiedade. A sempiterna discusión sobre que debe prevalecer:

interese individual do propietario ou o ben da comunidade. Do tema hai diversos exemplos, que tal vez convén lembrar. Un: FENOSA pasa os tendidos eléctricos por miles de propiedades privadas porque se entende que a dotación de electricidade supón un beneficio social que debe predominar sobre as consideracións particulares. Outro: os donos de edificios de moitas vilas e cidades non poden cambia-la fisonomía exterior das vivendas, nin construir mais pisos (e perden con elo sustanciosas ganancias) por considerarse superior o interese da comunidade frente ó «negocio» do propietario. Outro: as fincas da beiramar situadas a menos de cen metros da liña da marea alta, pola consideración de ben colectivo da franxa litoral, non poden ser edificadas (a menos que xa teñan a consideracións de núcleo urbano consolidado), razón que leva ós propietarios a perder bos negocios, agora que as praias están de moda. Poderíamos seguir.

A conclusión, parece evidente: guste ou non, o interese colectivo manda. A complicación está en que nesta ocasión os perjudicados son xentes de economías modestas, como calquera que teña que vivir hoxe da agricultura, e para máis, nunha bisbarra sometida desde hai anos a sucesivas perdidas de emprego e sen perspectivas de mellora.

O que tamén resulta inegable é que as fragas do Eume teñen interese, son un auténtico monumento. Un monumento que, en certa medida e con usos regulados, tamén pode xerar riqueza. O que é impensable é a súa adquisición (miles de Has) pola Comunidade Autónoma, ademais de que con elo entrariámos na batalla do prezo xusto. Negóciense cos veciños, iso si, posibles melloras na súa calidade de vida, melloras na atención sanitaria, melloras nas súas vivendas, no teléfono, melloras nas vías de comunicación ou na educación, axúdeselle no seu traballo agrícola, concédanselle empréstitos a baixo interese, en suma, xa que eles teñen algo que perder, déalle a comunidade, todos nós, dos nosos impostos, algo tamén a gañar, para que non soporten eles únicamente a carga de algo do que nos imos beneficiar todos.

E fálese con eles. Fálese cando teñan razón, e cando non a teñan tamén, que moitas veces os proxectos fracasan por falta de diálogo. Fálese ainda que a Administración non lle caian ben algunas cousas que din, como cando destacan que moito parque natural e ó lado está unha das industrias más contaminantes do Estado Español: a térmica das Pontes. ¿Non teñen razón cando poñen de manifesto a incongruencia da Administración, que por un lado quere protexer e por outro permite contaminar? ¿Non teñen razón os sindicatos labregos cando din que ó mellor a Xunta quere «lavarse a cara» coa creación dalgúns espacios protexidos mentres permite o deterioro do resto do territorio?

Regúlense usos, pero con dialogo e con políticas coherentes. Todos sairemos gañando. ■

Breves.breves.breves

-PLAN HIDROLÓXICO NACIONAL

Segundo un informe de Greenpeace o Plan Hidrolóxico Nacional que está elaborando a administración causará grandes danos no medio ambiente como a destrucción de zonas húmedas, a salinización de acuíferos, o erosionado de costas e ata a desaparición de acuíferos subterraneos.

-ICINERAR, RECICLAR, REUTILIZAR ? VELAÍA CUESTIÓN

A Xunta, accionista maioritaria de SOGAMASA (o resto do capital está nas mans de Unión Fenosa), tiña que fallar en setembro o concurso convocado para construir las cinco plantas industriais imprescindibles para aplicalo Plan de Xestión de Residuos Sólidos Urbanos. Os 30.000 millóns de pesetas en xogo na operación fan que non se consideren outras alternativas más limpas que as incineradoras.

-ENERXÍAS RENOVABLES

A Consellería de Industria considera de «grande interese» as «enerxías renovables» entre elas as xeradas polas minicentrais eléctricas xa que «promoven o aproveitamento dós recursos endóxenos, así coma o aforro e a diversificación de enerxía nesta comarca». Desde logo non consideran o impacto ambiental que representarían tanto para a flora coma para a fauna.

-NORMAS DE SEGURIDADE PARA INDUSTRIAS QUÍMICAS DE RISCO

Ainda que a mediados de Xullo rematou o prazo para adoptala normativa da U.E. en materia de accidentes graves en actividades industriais de risco, a maioria das comunidades autónomas carecen de planos de emergencia para as máis de 200 industrias químicas de risco que hai en España. ¿Terá que producirse outro Seveso para elaborar estes planos?

-GALICIA CEMITERIO NUCLEAR?

Diante da saturación do cementerio nuclear de Córdoba, ENRESA (Empresa Nacional de Residuos Radiactivos) estudia en secreto posibles lugares (Fisterra, A Gudiña, Mondoñedo, ...) para unha nova instalación en Galicia.

A SGHN é ... unha entidade independente, formada en 1973, dedicada á investigación, divulgación e protección do medio ambiente galego. Ten ó redor de 1000 socios. ¿E que facemos?

Investigación: censos de aves invernantes, de mamíferos marinos, de vertebrados en xeral (para o Atlas de Vertebrados de Galicia), de insectos ...

Divulgación: voceiros sobre itinerarios naturais e temas como o lobo e os incendios, charlas e cursillos e programas de educación ambiental na escola ...

Protección: un esforzo continuo de denuncias e campañas en contra da destrucción vertiginosa que está a sufri-lo medio ambiente galego ...

A SGHN forma parte da CODA (a federación estatal de grupos de defensa da natureza). Ten o nº 264/c-000/382 no Registro de Asociaciones Culturales Galegas e figura no folio nº 11 do Registro de Asociaciones Protectoras do Medio Ambiente.

Se queres saber máis, estamos na ...

Rúa da Oliveira, 4 - 2º, SANTIAGO (Apdo. 330)

Teléfono (981) 584426.

con delegaciones en:

Ourense - Rúa Jesús Soris nº23-2º eqda. (Apdo. 212)

A Coruña - Apdo. 825

Ferrol - Méndez Núñez 11 (Apdo. 356) tel. 352820 (24 horas); fax: 352820 (18,30 a 20,30)

Vilagarcía - Apdo. 303

¡ATOPA UN SOCIO NOVO ESTE MES!

GRUPOS

A Coordinadora Naturista do Barbanza denuncia o estado de abandono no que se atopa a serra e solicita ós concellos afectados que controle os movementos dos vehículos a motor pola mesma.

A Asamblea de Grupos Ecoloxistas e Naturistas da Galicia (AGENG) presentou a súa oposición ó proxecto de construcción dunha pista de ateraxe deportivo na serra do Suído promovida polo Aeroclube de Pontevedra.

A Plataforma Cidadán pola Recuperación da Marisma de Redondela pide ó fiscal de Pontevedra que investigue os verquidos de residuos sólidos urbanos por parte da empresa que realiza a recollida de lixo no concello.

A Asamblea de Grupos Ecoloxistas e Naturais de Galicia (AGENG) denunciou por medio dun comunicado as agresións ambientais que soporta a serra do Caurel coma consecuencia dun turismo rural desordenado e a invasión de vehículos todo-terreno.



PASPALLÁS é o boletín trimestral da SGHN, pero as opiniões expresadas nel (á parte da editorial) non son necesariamente as da xunta directiva da asociación.

Colaboran neste número:

Diego Vázquez Rey, Bernardo Carrión Velasco, Agustín Alcalde Lorenzo, Xoán Santamaría Cameán, Xosé Manuel Penas Patiño, Lito Romero Hermo, Xusto Calvo Peña, Pilar Antelo Docampo, Francisco Docampo Barrueco, María Xosé Tilve Costas, Ramón Feans, Pilar Fernández, X. Dafonte.

Impreso en papel reciclado

por Copynino, Santiago.

Dep. Leg. C 1590/91; I.S.S.N. 1132-0567

GALICIA. CENSO DE AVES ACUATICAS AÑO 1994

| Especie | nº individuos |
|--|---------------|
| MOBELLA PEQUENA <i>Gavia artica</i> | 2 |
| MOBELLA <i>Gavia immer</i> | 3 |
| GAVIA SP. | 3 |
| SOMORGULLO PEQUENO <i>Podiceps ruficollis</i> | 171 |
| SOMORGULLO CRISTADO <i>Podiceps cristatus</i> | 41 |
| GANSA BRANCA <i>Tadorna tadorna</i> | 1 |
| ALAVANCO REAL <i>Anas platyrhynchos</i> | 3.823 |
| PATO ASUBION <i>Anas penelope</i> | 1.733 |
| PATO CARETO <i>Anas acuta</i> | 658 |
| PATO CULLERETE <i>Anas clypeata</i> | 823 |
| CERCETA REAL <i>Anas crecca</i> | 2.804 |
| PARRULO CHUPON <i>Aythya ferina</i> | 189 |
| PARRULO CRISTADO <i>Aythya fuligula</i> | 183 |
| PARRULO CABECINEGRO <i>Aythya marila</i> | 2 |
| MERGO CRISTADO <i>Mergus serrator</i> | 173 |
| PARRULO PENTUMEIRO <i>Melanitta nigra</i> | 260 |
| DEMO NEGRO <i>Fulica atra</i> | 465 |
| GALIÑA DORIO <i>Gallinula chloropus</i> | 82 |
| GARZA REAL <i>Ardea cinerea</i> | 484 |
| GARZOTA <i>Egretta garzetta</i> | 201 |
| ESPATULA <i>Platalea leucorhodia</i> | 32 |
| ARAO ROMERO <i>Alca torda</i> | 6 |
| ARAO DOS CONS <i>Uria aalge</i> | 2 |
| CORVO MARIÑO REAL <i>Phalacrocorax carbo</i> | 1.271 |
| CORVO MARIÑO CRISTADO <i>Phalacrocorax aristotelis</i> | 393 |
| GAIVOTON <i>Larus marinus</i> | 9 |
| GAIVOTA CLARA <i>Larus argentatus</i> | 2.886 |
| GAIVOTA ESCURA <i>Larus fuscus</i> | 4.237 |
| GAIVOTA CHORONA <i>Larus ridibundus</i> | 1.876 |
| <i>Larus argentatus/fuscus</i> | 9.618 |
| CARRAN CRISTADO <i>Sterna sandvicensis</i> | 70 |
| GAVITA <i>Haematopus ostralegus</i> | 873 |
| PILLARA REAL <i>Charadrius hiaticula</i> | 278 |
| PILLARA DOURADA <i>Pluvialis apricaria</i> | 14 |
| PILLARA CINCENTA <i>Pluvialis squatarola</i> | 1.501 |
| AVEFRIA <i>Vanellus vanellus</i> | 291 |
| PILLARA RISCADA <i>Arenaria interpres</i> | 9 |
| PILRO CURBILICO <i>Caladrus alpina</i> | 5.968 |
| PILRO BULEBULE <i>Caladrus alba</i> | 248 |
| BIRULICO PATIRRUBIO <i>Tringa erythropus</i> | 55 |
| BIRULICO COMUN <i>Tringa totanus</i> | 457 |
| BIRULICO PATIVERDE <i>Tringa nebularia</i> | 119 |
| BIRULICO BAILON <i>Actitis hypoleucus</i> | 51 |
| MAZARICO RABINEGRO <i>Limosa limosa</i> | 212 |
| MAZARICO RABIPINTO <i>Limosa lapponica</i> | 371 |

GALICIA. CENSO DE AVES ACUATICAS ANO 1994

| Especie | nº individuos |
|---|---------------|
| MAZARICO CURLI <i>Numenius arquata</i> | 1.250 |
| MAZARICO GALEGO <i>Numenius phaeopus</i> | 71 |
| BECACINA CABRA <i>Gallinago gallinago</i> | 100 |

A V E S R A R A S

| | |
|---|----|
| PARRULO OLLODURO <i>Bucephala clangula</i> | 1 |
| PATO CANELO <i>Tardona ferruginea</i> | 3 |
| ABETOIRO COMUN <i>Botaurus stellaris</i> | 1 |
| PILLARA PAPUDA <i>Charadrius alexandrinus</i> | 27 |
| GAIVOTA PAPOIA <i>Larus canus</i> | 11 |
| PARRULO MOURELO <i>Melanitta fusca</i> | 1 |
| GARZA BRANCA <i>Egretta alba</i> | 1 |
| SOMORGULLO REAL <i>Podiceps auritus</i> | 4 |

L I S T A D E C O L A B O R A D O R E S N O C E N S O D E 1 9 9 4

| | | |
|-----------------------------|--------------------------|----------------------------|
| Alvaro Rodriguez Pomares. | Antón Gende. | Yosi. |
| Francisco Docampo Barrueco. | Dolores Vázquez Rey. | María José. |
| Agustín Alcalde Lorenzo. | Mariña Penas Vázquez. | Javier Soñora. |
| Carlos Rei Gómez. | Minia Penas Vázquez. | Angel Torreiro. |
| Carlos Rei Raño. | Daniel Piñeiro Angueira. | Carlos Caramelo. |
| Xose Lois Rei Muñiz. | Antonio Pérez Abalo. | Francisco Carballo Benito. |
| David Taín Guzman. | Moncho Abalo Iglesias. | Alfonso Alvarez Escudero. |
| Xusto Calvo Peña. | Carlos García. | SGHN - Ferrol. |
| Lito Romero Hermo. | Gregorio. | SGHN - Coruña. |
| Xose M. Penas Patiño. | Juán Ignacio Díaz. | SGHN - Santiago. |
| Xoan M. Santamaría Cameán. | Juán Carlos. | |

A V I S O

En Xaneiro de 1995, realizarase o censo correspondente a ese ano. Se estás interesado en participar, ponte en contacto coa túa delegación ou ben chama ó teléfono 981-584426.

Bichos bIchos biChos bicHos bichOs bichoS

A V E S

- SOMORGULLO CRISTADO (*Podiceps cristatus*): 1 individuo o 24-01-93 na lagoa de Louro (Pontevedra) Autor: Agustín Alcalde, Carlos Rei Raño, Xose Lois Rei Muñiz e Rodolfo Blanco.

- PARDELA CINCENTA (*Calonectris diomedea*): 9 individuos o 07-08-94 en Cabo Udra (Pontevedra) Autor: David Tain.

- GARZA DENOITEIRA (*Nycticorax nycticorax*): 1 individuo, no Río Tambre (A altura de Buste, Santiago) o 20-07-93. Autor: Alvaro Pomares, Paco Docampo.

- GARZA AMARELA (*Ardeola ralloides*): 1 exemplar adulto en plumaxe nupcial. O 11-06-94 en Montevixán. Autor: Alvaro Pomares.

- MAZARICO MOURO (*Plegadis falcinellus*): 1 exemplar o 12-12-93 no Baixo Miño (Pontevedra). Autor: Agustín Alcalde, Paco Docampo

2 exemplares o 09-10-94 no Baixo Miño. Autor: David Tain, Moises Pérez.

4 exemplares na illa de Arousa o 13-11-93. Autor: Agustín Alcalde.

- CULLEREIRO (*Platalea leucorodia*): Durante o inverno do 93-94 contaronse entre 32 exemplares invernantes no Grove (Pontevedra). O máximo ata a data. Autor: Alvaro Pomares.

- PATO BRANCO (*Tadorna tadorna*): 1 exemplar o 20-02-94 e o 20-03-94 no Grove (Pontevedra) probablemente o mesmo exemplar. Autor: Agustín Alcalde, Alvaro Pomares, Paco Docampo.

- PATO FERRUXENTO (*Tadorna ferruginea*): 1 exemplar o 16 e 17-01-93 no Grove (Pontevedra). Autor: Agustín Alcalde, Alvaro Pomares, Paco Docampo.

1 individuo o 20-02-94 e o 20-03-94 no Grove (Pontevedra). Autor: Agustín Alcalde, Alvaro Pomares, Paco Docampo.

3 exemplares o 07-03-93 no Grove (Pontevedra). Autor: Alvaro Pomares.

- CERCETA DE CAROLINA (*Anas crecca carolinensis*): 1 individuo macho o 10-01-93 na Lagoa de Sobrado dos Monxes (A Coruña). Autor: Agustín Alcalde, Carlos Rei, Xose Lois Rei Muñiz, Rodolfo Blanco, Paco Carballo.

- PARRULO RABUDO (*Clangula hyemalis*): 2 exemplares macho e femia o 28-01-94 en Praia de Modorra (Pontevedra). Autor: Paco Docampo, David Tain.

- PARRULO OLLODOURO (*Bucephala clangula*): 1 individuo femia o 23-01-94 na Lagoa de Sobrado. Autores: Agustín Alcalde, Xose Lois Rei Muñiz, Carlos Rei e Xusto Calvo.

- MERGO CRISTADO (*Mergus serrator*): 3 femias na ría de Camariñas o 09-07-94. Autores: Agustín Alcalde, Paco Carballo, Alvaro Pomares e Xaquín Pomares.

- MIÑATO ABELLEIRO (*Pernis apivorus*): 1 individuo o 13-06-93 Na Lagoa Sacra de Olives. Autor: Agustín Alcalde, Rodolfo Blanco.

- MIÑATO QUEIMADO (*Milvus migrans*): 1 individuo o 09-05-93 en San Xurxo de Sacos (Pontevedra). Autores: Paco Docampo, David Tain, Xose Lois Rei.

- AGUIA REAL (*Aquila chrysaetos*): 1 individuo o 13-07-94 nos Ancares (Lugo) perto de Mustallar. Autores: Alvaro Pomares, Xusto Calvo, Agustín Alcalde, Paco Docampo, Carlos Rei.

1 exemplar en Ancares perto de Tres Bispos o 30-10-94. Autor: Lito Romero, Luisa Delgado.

- AGUIA CAUDAL (*Hieraetus pennatus*): 1 individuo en fase oscura o 31-10-93 na Cidade de Santiago de Compostela. Autor: Agustín Alcalde.

1 Individuo en fase oscura o 03-10-94 en Navia de Suarna (Lugo). Autor: Xusto Calvo.

- AGUIA PEIXEIRA (*Pandion haliaetus*): 1 individuo o 23-9-94 na ensenada de Dena (Pontevedra). Autor: Alvaro Pomares.

- PATUDA (*Himantopus himantopus*): 6 adultos e 4 polos en Ponteceso o 04-08-93

- PILRO CINCENTO (*Caladris mariti-*

ma): 3 individuos na Praia da Basteira (Cariño) o 25-09-93. Autor: Xusto Calvo.

- GAIVOTA DE DELAWARE (*Larus delawarensis*): 2 individuos o 16 e 17-01-93 no Grove (Pontevedra). Autores: Xose Lois Rei e Carlos Rei.

- GAIVOTA PAPOIA (*Larus canus*): 7 exemplares no Grove (Pontevedra) o 14-02-93. Autor: Agustín Alcalde.

- GAIVOTA PATIAMARELA (*Larus cachinnans*): Nidificación na cidade de Santiago de Compostela. 1 individuo incubando o 04-06-94.

- CARRAN MOURO (*Chlidonias nigra*): 1 individuo na Lagoa de Louro o 12-10-93. Autores: X.M. Penas e A. Alcalde.

2 individuos na Lagoa de Louro o 17-10-93. Autores: X.M. Penas e A. Alcalde.

1 individuo en Praia América (Vigo) o 26-09-94. Autores: Paco Docampo, David Tain.

- CARRAN MASCATEIRO (*Gelochelidon nilotica*): 1 exemplar adulto o 11-06-94 en Montevixán. Autor: Alvaro Pomares.

- CUZO COMUN (*Cuculus canorus*): 1 individuo voando o 18-09-93 na illa de Arousa (Pontevedra). Autor: Bernardo Carrón, Agustín Alcalde, Paco Carballo.

- ABELLARUCO (*Merops apiaster*): 28 exemplares no tendido eléctrico en Vilariño de Cons (Ourense) o 07-08-93. Colonia perto. Autores: Agustín Alcalde, Lito Romero, Xusto Calvo, Paco Carballo e Rodolfo Blanco.

- PETO VERDEAL (*Picus viridis*): 1 grupo de 12 individuos en Ancares no chan dunha ladeira queimada o 04-10-94. Autor: Xusto Calvo.

- PETO PEQUENO (*Dendrocopos minor*): 1 exemplar femia o 30-10-94 en Ancares (Lugo). Autor: Agustín Alcalde.

- ANDORIÑA DAS BARREIRAS (*Riparia riparia*): Colonia de cría en Sobrado dos Monxes 21-05-94 . Autor: Agustín Alcalde.

- ANDORIÑA COMUN (*Hirundo rustica*): Cita invernal o 04-12-93 na Lagoa

Bichos bIchos biChos bicHos bichOs bichoS

de Xuño (A Coruña). Autor: Xan Cameán.

O 24-01-94 3 exemplares en Aldea Nova, Ames (A Coruña). Autores: X.M. Patiño e Xan Cameán.

- PICA PATINEGRA MONTESA (*Anthus spinoleta*): 1 exemplar na Praia de Basteira (Cariño) o 30-09-94. Autor: Xusto Calvo.

- MERLO RUBIO (*Monticola saxatilis*): 1 macho e 4 inmaduros o 13-08-94 no Mustallar, Ancares (Lugo). Autor: Alvaro Pomares, Xusto Calvo.

- COTORRA GRIS (*Myopsitta mora-*

chus): Grupo familiar de 5 individuos en Xuño (A Coruña) o 27-08-94. Autor: Xan Cameán.

- PAPAMOSCAS NEGRO (*Ficedula hypoleuca*): 1 individuo na Cidade de Santiago de Compostela o 08-08-94. Autor: Bernardo Carrión.

- PIMPIM REAL (*Fringilla montifringilla*): 3 exemplares en Ancares (Lugo) o 29-10-94 Autor: Lito Romero, Rodolfo Blanco, Luisa Delgado.

- BICOCORTO (*Loxia curvirostra*): 1 individuo femia o 26-09-94 en Saián (Vigo). Autor: Paco Docampo, David Tain.

MAMÍFEROS

- XABARIN (*Sus scrofa*): 1 individuo adulto femia, afogado na Illa de Arousa o 23-04-93. Autor: Agustín Alcalde.

- REBECO (*Rupicapra rupicapra*): Grupiño de 5 individuos no Mustallar, Os Ancares (Lugo) o 14-08-94. Autores: Xan Cameán, Xusto Calvo, Alvaro Pomares, Paco Docampo e Pilar Fernández.

1994: TRATADO DA ANTARTIDA PARA A PROTECCIÓN DOS CETACEOS

Na 46º Reunión da Comisión Baleeira Internacional que se celebrou en Puerto Vallarta (México) no pasado mes de maio, acordouse aproba-la consideración da Antartida, ó sur do Paralelo 60° S. (excluíndo as augas territoriais de Chile e da Arxentina) como Santuario para os grandes cetáceos. A oposición principal, unha vez máis, procedeu do Xapón, único país que votou negativamente, manifestando sen recato que antepón os seus intereses económicos ós dereitos dos seres vivos a garanti-la súa supervivencia. Porque de supervivencia se trata para varios cetáceos que hoxendía e malia as campañas de protección, seguen necesitando moitos anos para que se chegue a producir unha recuperación óptima. Catro especies poden mostrarnos esta situación:

De todos modos o éxito deste acordo é importantísimo e todos cantos participamos nas campañas de defensa destas especies debemos felicitarnos por iso, se se considera que actualmente o 90 % da caza en todo o Planeta producese nestas augas, e que neste espacio súmase o Santuario existente no Índico desde 1979.

Os motivos da oposición xaponesa están claros: ata 60000 pts chegan a pagarse por 1 kg de filetes de balea. Tamén Noruega, que non participou na votación, manifestou xa a súa intención de cazar 301 baleas en augas do Atlántico norte no presente ano (o primeiro destes exemplares foi cazado xa o 12 de xullo). Así mesmo solicitou, sen éxito de momento, que Rusia lle concedera permiso para cazar 40 individuos nas augas territoriais daquel país, todo elo naturalmente sen ter en conta que a CBI tamén aprobou a prórroga da moratoria para a caza comercial de cetáceos. Noruega xustifica a actividade alegando motivos de tradición así como a abundosidade de rorcuais, aínda que en xeral estímase que nesas augas a poboación descendeu ata o 45 % desde 1960. Ambolos dous países teñen concedido un «cupo científico» para capturar 300 exemplares (Xapón) e 127 (Noruega). Como se sabe, este «cupo» non é outra cousa que un permiso encubierto para comerciar con toneladas de carne que teoricamente non estarían destinados ós mercados. Outros permisos para caza foron concedidos ós indíxenas de Groenlandia (558 exemplares ata fin de 1997), ós eskimales de Alaska (204 baleas ata fin de 1988) e para os de Chukotka-Rusia (140 cetaceos ata fin de 1997).

A última hora téñese que Rusia presente obxecións ó Tratado de Protección do Antártico, presionada por Xapón, que ameaza con retirar-lo seu apoio para a xestión dos residuos radioactivos daquel país.

Próxima cita para a CBI: Dublín, 1995. Mentre non estaría de más que cada lector escribira cartas as Embaixadas de Xapón e Noruega en Madrid manifestando a súa protesta.

| | STOCK NORMAL ESTIMADO (nº exemplares) | POBOACIÓN ACTUAL (nº de individuos) |
|-----------------|---------------------------------------|-------------------------------------|
| RORCUAL AZUL | 250000 | 1000 |
| RORCUAL XIBARTE | 100000 | 12000 |
| RORCUAL BOREAL | 180000 | 40000 |
| RORCUAL COMÚN | 850000 | 760000 |

TAMÉN COLABORAMOS COA NATUREZA



REPÚBLICA DE EL SALVADOR, 9
TELÉFONO 565812 - FAX 572239
SANTIAGO DE COMPOSTELA

FOTOCOPIAS - OFFSET - MEMORIAS
REPRODUCCIÓN DE PLANOS
ENCUADERNACIONES

COPYNINO

General Pardiñas, 2
Teléfono 58 89 38

SANTIAGO DE COMPOSTELA

Santiago de Chile, 24
Teléfono 59 64 81



SANTIAGO

VELOCÍPEDO.
BICICLETAS DE MONTAÑA
Y DE COMPETICIÓN
C/ Rúa de San Pedro, 23
58 02 60



DELTA
ACADEMIA DE ENSEÑANZA

Plaza de Vigo, 1 - Entlo.
Teléfono 59 96 27

15701 15702 SANTIAGO DE COMPOSTELA

Stgo. de Guayaquil, 5-1.º planta
Teléfonos 56 43 24 - 56 45 34



orbi sport

Orbi Sport co deporte e a NATUREZA
Precios especiais para os socios.
C/ Rosalía Castro, 56, Santiago. Tlf. 596188

TAMÉN COLABORAMOS COA NATUREZA



VigoFoto

FOTOGRAFIA, CINE, VIDEO Y SONIDO
REPARACIONES

LAXE, 11 y 13
TELEFONOS: (986) 22 72 88 - 22 72 89
FAX (986) 22 19 04
36202 VIGO

VISITANOS, TENEMOS GRANDES OFERTAS
PARA LOS AMANTES DE LA NATURALEZA
Presentando el CARNET de Socio accederás a los precios más exclusivos.




LIBRERIA
FOLLAS NOVAS, S. L.

MONTERO RIOS, 37 - APARTADO 504
TLFS. 59 44 06 - 59 44 18 - FAX 59 06 12

15706 SANTIAGO DE COMPOSTELA

tendas ecológicas **CORE**



LAVERDE RUÍZ, 2
Telf. 56 54 87
SANTIAGO

Xeneral Tellá, 6
Tel. 25 0 198
LUGO

Pintor Laxeiro, 10
Tel. 20 23 38
VIGO

Academia Universitaria

Alferez Provisional
(Plaza Roja)
Teléfono 59 45 77
SANTIAGO



Rúa de San Pedro, 46
Teléfono 58 69 55

Montero Ríos, 35
Teléfono 59 37 59

Poñigón del Tambre
Ciudad del Transporte, 72
Teléfono 57 56 29

SANTIAGO DE COMPOSTELA

¡ Da vida ó teu fogar !



MAYSO LIBRERIA, S.L.

C.I.F. B-15353105

- Libros E.G.B. - B.U.P. - C.O.U. y UNIVERSIDAD
- LIBRERIA GENERAL
- MATERIAL ESCOLAR Y DE OFICINA
- SECCION ESPECIALIZADA EN EDUCACION INFANTIL

Rosalía de Castro, 23
Teléfono 59 43 73

15706 SANTIAGO DE COMPOSTELA

Varios vArios vaRios varIos variOs varioS

Durante o remate do ano pasado e principios deste, a Sociedade mantivo unha agria polémica co concello de Vilagarcía que ainda non rematou, entre os acontecementos que se suscitaron están a querela por parte da Sociedade contra un concelleiro de Vilagarcía por un presunto delito de inxurias. Nas próximas liñas resumiremos o devenir dos feitos.

Durante os últimos anos, o concello de Vilagarcía non tivo un lugar onde eliminar os residuos sólidos urbanos, peregrinando o lixo por case toda Galicia, ata que se lle pecharon todas as portas, sen que buscara outras solucións alternativas, polo que buscou de urgencia un lugar onde os depositar. Namentres con datas do 24 de Maio e 6 de Santiago de 1993, mediante presentación de sendos escritos no concello de Vilagarcía, propónase a xestión dos residuos mediante unha política de reciclaxe progresiva, depositando o lixo en lugares adecuados, mentres se estruturaban os medios para permitir-la recollida selectiva e reciclaxe do lixo.

O goberno municipal optou por construir un vertedoiro nun terreo poroso, de xábreo, con abundosas microfallas e polo tanto moi permeable, iniciándose un proceso de lixivación que provocou a contaminación do regato Aguadelo.

Na primeira semana de Santos a S.G.H.N., despois de encargar unhas análises bacteriolóxicas que confirmaron unha contaminación por xérmenes coliformes e estreptococos, denunciou directamente na prensa que o regato Aguadelo, que alimenta o Encoro de Castrogudín (suministra auga potable á poboación de Vilagarcía) estaba contaminado por causa do vertedoiro ubicado a uns 150 metros do seu nacemento, tal posibilidade fora advertida nos escritos presentados diante do concello polo que non se consideraron más preámbulos.

A resposta do concello foi negar tal contaminación e a existencia da análise, cando ésta foi patente, atribuíron a nova a unha conspiración do B.N.G. para desestabilizar o goberno municipal, achacando á S.G.H.N. de ser un brazo do B.N.G. municipal, ameazando sibilina e publicamente á S.G.H.N. e a un socio en concreto. Entre as acusacións públicas, un concelleiro (Sr. de la Barrera) declarou que a Sociedade non actuara anteriormente contra o concello, por que antes cogovernaba o B.N.G. e este pagara un millón de pesetas á Sociedade por te-la

VERTEDOIRO DE VILAGARCIA

boca pechada, estas declaracions (constataban a súa falsidade mediante os escritos presentados no concello con anterioridade e ininterrompidamente dende hai 10

anos) foron levadas ó xulgado de Vilagarcía, estimándoas a Xunta do xulgado nº 1 como presuntamente constitutivas dun delito de inxurias graves, polo que, despois de o solicitar, concedeu á S.G.H.N. avogado e procurador de oficio para se querelar contra o Sr. de la Barrera.

Paralelamente a este proceso a S.G.H.N. propuso unha serie de medidas inmediatas para paliar temporalmente os efectos da contaminación.

- * Desvío temporal do regato Aguadelo, para evitar que chegue ó encoro. *Realizouse meses despois.*
- * Investigación do tipo de lixo que se verte no monte (entre o «doméstico» van residuos de centros médicos).
- * Construcción dun vertedoiro que cumpla a normativa do MOPTMA (o actual é unha simple escavación sen pensado nen impermeabilización).
- * Campaña de concienciación para reducir a producción de lixo e reciclaxe dos residuos sólidos urbanos. *Presionado pola S.G.H.N. e outras entidades escomenzouse a recollida de papel, vidro e pilas, non sen polémica, pois a carga de papel dun camión foi enterrado no monte furtivamente.*

Por presión da S.G.H.N. (usamos este substantivo porque foi o único medio para conseguir unha actuación das autoridades municipais) realizouse unha analítica completa das augas de Vilagarcía, confirmándose a contaminación biológica denunciada (ainda que coa documentación na man, o alcalde negouno) e a presencia de elementos tóxicos coma o fenol na auga do río.

Sobre este particular, destacamos que a análise foi realizada a menos de seis meses de enceta-lo verquido de lixo, e como informara a SGHN a contaminación grave, a que non pode corrixir o tratamento de cloro nem pH, é a química que aparecerá cando se oxiden e corroian os recipientes metálicos de pilas e outros elementos como os plásticos, *cando esta apareza será irreversible.*

Xosé Lois Rey Muñiz, Delegado Local de SGHN-Arousa.

A «Plataforma para a Defensa da Ría» segue loitando para que a zona da Ría do Eo chegue a converterse nun territorio protexido xurídicamente. Recentemente, un portavoz, Evaristo Lombardero acudiu a unha xuntanza con membros da Consellería de Medio Ambiente do Principado e tamén coa Eurodiputada por Izquierda Unida, xuntanza que se celebrou

en Oviedo con vistas a tratar a problemática actual da Ría.

Por outra banda, é importante destacar a aparición dun xacemento paleolítico na zona na que se pretende instalar o polémico polígono industrial.

Para todos os amantes da observación de aves nun hábitat natural e convinte sinalar que xa comienzan a verse grandes contingentes de aves acuáticas

RIA DO EO

na Ría. Corvos Mariños, Garcetas, Garzas Reais e gran variedade de anátidas son facilmente observables dende a estrada. Tódolos que dexesedes gozar dunha magnífica excursión ornitológica debedes recordar que escomenza a época adecuada para observar as aves, e que existe un observatorio na estrada de Ribadeo-Vegadeo.

Varios vArios vaRios varlos variOs varioS

Asúa maxestade o «Príncipe dos mares», o bonito do norte, acaba de abrir unha vía de auga, unha nova liorta entre dous países veciños pero rivais neste da captura de tunidos. Unha vez máis a Hispania e a Galia en litixio.

A tristemente célebre «guerra do bonito» que tivo lugar, sobre todo entre as flotas boniteiras francesa e española durante os pasados meses de xullo e agosto en augas do golfo de Biskaia, revestiu tintes de auténtica guerra no mar; con bombardeos, abordaxes, feridos, botins, apresamentos e inclusive intervención de patrulleiras das propias armadas francesa, española e tamén galega, xa que a Xunta de Galicia destacou na zona do conflicto o buque de auxilio «Serra de Santiago», o cal tamén sufriu un intento de abordaxe. É ata houbo negociacións diplomáticas en foros internacionais con interlocutores comunitarios para establecer por vía diplomática unha entente entre os litigantes.

O problema viuse vir, estaba anunciado e mesmo denunciado polos pescadores e confraxías da Cornixa Cantábrica nada menos que desde finais da década dos 80. Concretamente no ano 1987 pescadores españoles denuncian ós barcos franceses por faenaren no golfo de Biskaia con redes de enmalle ó garete, con lonxitudes en algún caso superiores ós 20 quilómetros.

En 1988 España aproveita a mesa de negociacións pesqueiras sobre prezos para expoñela irracionalidade deste tipo de artes. Francia opõe e o foro comunitario de Bruxelas responde con absoluta indiferencia ante esta temática, poñéndose de manifesto unha vez máis a existencia da Europa das dúas velocidades dentro da falacia igualitarista da Unidade Europea.

Fracasada esta ofensiva en contra das redes de enmalle ó garete porque ó parecer non había precedentes na prohibición deste tipo de artes a nivel comunitario, e tal vez para dar exemplo, no ano 1990 a administración española prohíbe nos caladoiros nacionais tanto as redes de enmalle ó garete coma as de arrastre peláxica.

En vista deste fracaso neste foro comunitario novamente España, contando sempre coa oposición de Francia, retoma a ofensiva ante outros organismos internacionais de pesca para defende-la ilegalización das redes de enmalle en tódolos mares, por suposto non tanto tendo en conta obxectivos ecolóxicos, senón más ben por razóns puramente económicas xa que España posúe unha flota faenando fóra das augas nacionais con máis de 400.000 Tm de rexistro bruto, motivo polo cal interesa que outras flotas non esquilmense os caladoiros nos que España é competidor.

O 22 de decembro de 1989 co apoio de países como Canadá, EEUU e Xapón na Asamblea Xeral das Nacións Unidas adoptouse unha resolución pola que se establece unha moratoria respecto á utilización de redes de enmalle ó garete en alta mar, moratoria que entraría en vigor a partir do 30 de xuño de 1992.

Mesmamente, coa oposición de Francia, continuouse a batalla contra este tipo de redes en foros de pesca tales coma o ICCAT (Comisión Internacional para a Conservación do Atún

Atlántico) ou no COTOI (Comité de Ordenación de Tunidos do Océano Índico).

No ano 1991, propiciado polo clima das resolucións das N.U., fundamentalmente da FAO, e dos mentados organismos internacionais contando co apoio de certas organizacións ecoloxistas, prodúcese unha proposta da Comisión para a regulación do uso das artes de enmalle ó garete, fixando o tamaño máximo de redes en 2.5 quilómetros, calquera que sexa a zona de pesca e para tódolos barcos comunitarios. Nembargantes Francia consegue que 37 barcos da súa flota poidan faenar con redes de enmalle ó garete de ata 5 quilómetros e ata decembró do ano 1993.

Pero velaí o que acontece na costeira do bonito deseño 1994. A detención de barcos con este tipo de redes pon de manifesto, por unha banda o incumplimento da moratoria e por outra, descóbrese nas súas adegas a existencia doutros animais mariños mortos, sen conta-la cantidade de peixes doutras especies que capturados por este tipo de redes son devoltos mortos ó mar.

Data importante respecto á regulamentación no uso das redes de enmalle ó garete é o 26 do pasado setembro, cando a Comisión de Pesca do Párlamento Europeo aprobou por 10 votos a favor, 8 en contra (Francia entre eles) e 2 abstencions

o informe no que se prohíbe o uso das devanditas redes a partir do 31 de decembro de 1994, prevendo incluso, uns fondos de compensación para os afectados por esta medida de entre 3.500 e 4.000 millóns de pesetas. «Poderá autorizarse o seu uso no interior das 12 millas do Estado solicitante, sempre e cando a súa lonxitude individual ou acumulada sexa inferior a 2,5 quilómetros, previa petición do Estado e con autorización da Comisión.»

En definitiva, é menester tomar medidas drásticas xa, e a escala mundial. Vexamos algunas cifras arrepiantes: Por cada millón de atúns pescados con redes de enmalle ó garete na costeira do bonito deseño, calcúlase que morreron aproximadamente mil exemplares de especies non obxetivo. No Mediterráneo a flota redeira italiana do peixe espada bota pola borda un 80% do que pillan as súas redes. En 1993 o 46% dos cachalotes varados no litoral Mediterráneo español, apareceron ensarillados en redes ó garete. Os científicos do C.B.I. estiman que anualmente 8.000 cetáceos perecen nas redes ó garete italianas.

Resulta evidente que hai que prohibir totalmente as redes de enmalle ó garete, porque estas redes, ademáis de provoca-la desviación do atún cada vez máis ó norte, esquilma o mar. Como afirma ANTON PEREZ secretario da Federación de Cofradías de Biskaia «Só haberá paz cando se eliminan as volantas, ainda que a tarefa non é doada xa que Francia, como país fundador, ten unha gran influencia nas decisións da Unión Europea, e é evidente, que ata o momento estas artes non se prohibiron polas presións de Francia. Veremos o que acontece no futuro».

A COSTEIRA DO BONITO

HISTORIA DUN CONFLICTO

Varios vArios vaRios varIos variOs varioS

CORTEGADA

A illa de Cortegada foi obxecto dun pequeno artigo na revista «Quercus» do mes de Agosto de 1993. Este foi realizado pola Sociedade en Arousa e ten o obxectivo de divulga-la problemática da illa e do seu valor botánico e medioambiental.

ELECCIONES

Con data 2 de Outubro do ano pasado, desenvolveuse unha assemblea destinada a trá-la estado da Agrupación Local en Arousa e elección de Delegado Local e representante desta na Delegación de Santiago (foi elixido Xosé Lois Rey Muñiz).

RUPTURA CONVENIO SGHN - CONCELLO VILAGARCIA

A SGHN-Arousa e o Concello de Vilagarcía acordaron a realización dun convenio para desenvolver varias actividades: elaboración dunha guía do Parque do Castrillón, cursillos, conferencias, excursións, etc. Pero este non se puido levar a cabo polo posterior obstrucionismo do concello, as razóns: eles saberán, pero hainas que buscar na independencia política da SGHN e que unha compensación económica, non é razón para deixar de presionar, para que a xestión do patrimonio natural sexa a mellor posible.

MORTE DUNHA PESCA

No pasado mes de Outubro de 1993, morreu unha pesca (vendedora de peixe) na praza de Vilagarcía, durante unha inspección de Vixilancia Pesqueira da Xunta de Galicia. Tan lamentable feito deu pé a que algúns partidos políticos quisieren obter proveito electoral, solicitando un deles un relaxamento das actividade inspectora. A SGHN, áinda que con cautela, polo tráxico do feito, respondeu a esta declaración, indicando a necesidade de incrementa-las medidas de inspección, como principal medio de combatir o furtivismo e polo tanto da esquilación dos recursos naturais. Na ría de Arousa, mar revoltoso non é ganancia de pescadores.

AEROXERADOR

O concello de Catoira pretende a ubicación de varios xeradores eólicos, para subministrar enerxía eléctrica alomenos ós servicios que dependen do concello. Eo mereceu un escrito de felicitación ó Alcalde e Corporación Municipal.

DEFENSOR DO POBO


No lugar de Outerío (O Grove), iniciouse a construción dun hotel sen licencia municipal dentro, ademais, dos límites do complexo intermareal adscrito ó convenio de RAMSAR. Despois de múltiples e infructuosas xestións, presentouse denuncia diante da «Oficina del Defensor del Pueblo», admitindo a trámite a queixa. Recentemente informounos que o concello de O Grove non lle remite a documentación requirida. A propia COTOP incoou expediente sancionador destinado ó promotor, constructor e empresas subministradoras.

PRESENTACIÓN LIBRO

O 6 de Maio deste ano, presentouse na Casa da Cultura de Vilagarcía o libro «O Parque Compostela», editado polo concello. Cataloganse as máis de 200 árbores repartidas en 32 especies. Os seus autores son os consocios Xela Cid, Manuel Chouza e Xosé Lois Rey.

ESCRITOS VARIOS

Sobre conservación de parques. Tala de árbores e podas indiscriminadas. Dunas costeiras. Construcción ilegal en O Grove. O ICONA polo aeródromo da Lanzada. Nova estrada Vilagarcía-O Grove. Vertedoiro Vilagarcía. Reparación observatorios ornitológicos da ría de Arousa. Contaminación atmosférica por incineración de aceites usados. Deslinde costeiro polo MOPTMA. Revisión PXOU Vilagarcía...





sección de entomología

Os Nosos Insectos: *Gonepteryx rhamni* (Linneo, 1.758)

Trátase dunha especie común, de amplia distribución xeográfica (toda Europa, chegando ata Siberia, Siria e Norte de África).

En Europa voa a partires do mes de San Xoan, en Galicia a súa aparición é máis temperán, (excluidos os exemplares invernantes) voa e practicamente todo o ano, pero especialmente a partires dos meses de Abril e Maio, cun máximo entre estes dous meses. A cantidade de individuos e os máximos dependen das condicións atmosféricas de cada ano.

Ocupa prácticamente toda Galicia, onde somentes pode ser confundida con *Gonepteryx cleopatra* (L., 1967) especialmente as femias (un carácter para distinguirlas é a maior concavidade na marxe externa das as anteriores de *G. rhamni* respecto de *G. cleopatra*), no mapa UTM contiguos (10x10 Km.), podemos observar las citas de que dispomos no programa ESENGA.



BIBLIOGRAFÍA

(Artigos relacionados coa entomofauna galaica)

"Boletín de la Asociación Española de Entomología"

Volume 17 (2)

- J. Selva & S. Bordera. Estudio de los Ichneumonidae peninsulares del Museo Nacional de Ciencias Naturales. *Phaeogenini* (Hymenoptera:Ichneumonidae). 37-48.

- M. Dominguez & J. Baixeiras. Sobre la identidad de tres Larentiinae de la Península Ibérica (lepidoptera:Geometridae) 323-332.

- C. López Vaamonde, J.J. Pino Pérez, S. Devesa Regueiro & A. Martínez Fernández. *Sinodendrom cylindricum* (Linneo, 1758) y *Pseudolucanus barbarossa* (Fabricius, 1801) en Galicia (Coleoptera:Lucanidae) 349.


Volume 18 (1-2)

- M. J. Lombardero & F. Novoa. Datos faunísticos sobre escolitidos ibéricos (Coleoptera:Scolytidae). 181-186.

"EOS" Museo Nacional de Ciencias Naturales.

Volume 68 (2)

- J. A. Díaz-Pazos & J. C. Otero. Caracteres femeninos de interés taxonómico en la familia Hydraenidae (Coleoptera). I. Primeras consideraciones sobre el género *Hydraena* Kugelann, 1794 159-165.



biblioteca

últimas adquisiciones

ORNITOLOXIA

- «Birds in Brazil» Helmut Siela. Ed. Princeton University Press. Doación: Agustín Alcalde.
- «The Atlas of breeding birds in Britain and Ireland» J.T.R. Sharrock.

Publicacions Periódicas

- «La Garcilla», publicación de SEO nº 89, 90.
- «Birds Magazine» Summer-Autum 94.
- «Ardeola» Vol 40(2).
- «AIRO»
- «LE HERON» Revista de «NOS oiseaux»
- «Botletí del Grup Català d'anellament» Vol 10, 1993.

MEDIO MARIÑO

- «Estudios de determinación y síntesis de biotoxinas P. S. P en moluscos tóxicos de las rias gallegas» Mº Salgado Blanco. Xunta de Galicia. Doación da Editorial.
- «Whales of the world» Lyall Watson. Ed. The Threshold Fundation.

Publicacions Periódicas.

- «MAR» nº 311 al 320.

PALEONTOLOXIA

- «FOSILES» Karl Benlen e Gerhard Lüchter Ed. Blume.

BOTANICA

- «As plantas medicinais» Antelo Docampo, Pilar e Penas Patiño, Xaqin. Editorial Indo. Doación dos autores.
- «As algas en Galicia: alimentación e outros usos» Xunta de Galicia. Doación dos editores.
- «Congreso internacional sobre el castaño» Xunta de Galicia. Doación de Agustín Alcalde.

Publicacions Periódicas.

- «Anales del jardín Botánico de Madrid» Volume 51(2) 1993.

INVERTEBRADOS

- «Estudio taxonómico y ecológico comparativo de los oligoquetos de los ríos Tambre(Galicia) y Argeus (Sur de Francia)» Universidad de Santiago.

EVOLUCION

- «Evolución» Strickhenger. Ed. Omega.

ECOLOXIA E MEDIO AMBIENTE

Publicacions Periódicas.

- «QUERCUS» nº 99-104.
- «PERIPLO» nº 114-115.
- «NATUROPA» nº 69-70.
- «CERNA» Revista de ADEGA. nº 9.
- «NATUREZA GALEGA» nº 13-14.
- «GORELUR» Fondo Navarro para la protección del Medio Ambiente. nº 6.
- «INFORMACION DE MEDIO AMBIENTE» MOTPMA nº 29-30.
- «METAMORFOSIS» Oficina Europea del Medio Ambiente.
- «OLEA EUROPAEA» nº 1. Concello de Vigo.

AGRICULTURA E SILVICULTURA

- «A metereoloxia e os incendios forestais» Ed. Xunta de Galicia. Doación dos editores.
- «Economía política forestal» Ed. Xunta de Galicia. doación dos editores.

Publicacions Periódicas.

- «Xóvenes Agricultores» nº 106-113.

LEXISLACIONE CONTAMINACION

- «Informe sobre contaminación litoral en las costas españolas» Coastwatch 1992. Ed. Universidad Politécnica de Valencia.

Publicacions Periódicas.

- «WARMER» Worl Action for Recycling Materials and Energy from Rubbish. nº 38.

ESPACIOS NATURAIS

- «Red forestal de Parques Nacionales» Abril 1994, publicación da CODA.

PUBLICACIONES CIENTIFICAS

- «GOROSTI» Cuadernos de Ciencias Naturales de Navarra. nº 10 1993-94.
- «ORSIS» Universidad Autónoma de Barcelona. Vol 9, 1994.
- «ARA» publicación do CEEB. Ano 11 nº 12-13.
- «ALQUIBIA» Boletín del Asociación Española de Limnología. nº 23.
- «Estudios del museo de Ciencias Naturales de Alava» Vol 8.

- «CIENCIA BIOLOGICA» Molecular and Cellular Biology. Anos 1990, 91, 92.
- «BUTLLETI» Institut d'estudis de la Natura. Ano VIII. 1992. nº 2.

BOLETINS DE GRUPO ECOLOXISTAS

- «CARRIZAL» Boletín de ANABAM nº 48-49.
- «D.A.L.M.A» (Asociación alcarreña para la defensa del Medio Ambiente)
- «CEMXCEM» Boletín do colectivo de Educación Ambiental. nº 4.
- «SOCARRELL» Boletín do G.O.B. nº 18.
- Boletín do Grupo BIOTOPO. nº 2.
- «ECORAMA» Cordinadora Madrileña de Defensa de la Naturaleza.
- Boletín de AUDEM nº 15.
- Boletín do FAPAS.
- Boletín da CODA nº 22.
- «HIEDRA» Boletín del grupo AEDENAT.
- «ZAGELUTZ» Boletín do grupo ANAT-LANE.

VARIOS

- «A rehabilitación da Ponte dos Muíños de Muros» Concello de Muros.
- «Protección dos Animais de compañía» Sociedade Protectora de Animais e Plantas.
- «50 años bastan» nº 4. Xullo 1994.
- «Cárcava» nº 3. Maio 1994.
- «Boletín informativo de Protección Civil» nº 2. Marzo 1994.
- «FEGAMP» Revista da Federación Galega de Municipios e Provincias. nº 4-5.
- «NOTICIAS» Centro de Investigación por la Paz. nº 4. 1994.
- «El Eps y el mundo en que vivimos» nº 3. Xuño 1994.

o taboleiro

AVISO

Tanto as Delegacións, como aqueles socios que querades enviar algún artigo interesante sobre temas relacionados coa natureza (especies animais e vexetais, roteiros, enclaves naturais...), así como citas de animais e vexetais curiosas, para o próximo Paspallas, xa podes comezar a mandalo á delegación de Santiago (Apdo. 330).

PROXECTO PARA ADOPCION DE BALEAS

A International Wildlife Coalition, con oficinas en EEUU, Canadá e Inglaterra, remitiu este Proxecto para a adopción de Rorcuais xibarte, (algún en particular, pois se diferencian perfectamente pola coloración da aleta caudal, como se ve na documentación remitida). Os interesados poden dirixirse para solicitar mais información á Secretaría Xeral (telef. 584426) en Santiago.

CORVOS MARIÑOS CON ANELAS

Estase a desenvolver por membros da S.G.H.N. un traballo sobre a bioloxía do Corvo Mariño (Phalocrocorax aristotelis) nas Illas Cies e Ons, para o cal se están a anelar polos e adultos desta especie, tanto con anelas metálicas como de cores con letras gravadas. É por elo, que solicitamos a vosa axuda e colaboración no caso de que vexades ou atopedes un corvo anelado, se é así pregámossos que nolo notifiques ó enderezo seguinte:

Proxecto Corvo Mariño

Apartado 1455 - Vigo (PO) ou ben avisando nos teléfonos 986-417671, 410068.



ASAMBLEAXERAL

O dia 18 de Marzo de 1995, convócase os socios a Asamblea Xeral, na que o tema principal a tratar será a renovación da Xunta Directiva Xeral. Oportunamente se vos proporcionará información máis detallada nas circulares que vos enviaremos.



¡FAITE SOCIO!

Para facerte socio da Sociedade Galega de Historia Natural durante un ano, fotocopia esta ficha, cúbrea, recórtala e mándala á:
SGHN, Apdo 330, Santiago.

¡Apoia o noso labor a favor da natureza galega!

Apelidos: _____

Nome: _____

Data de nacemento: _____

Endereço: _____

Localidade: _____

Provincia: _____

Teléfono: _____

Categoría de socio (indica con cruz):

- | | | |
|--|--------------|--------------|
| <input type="checkbox"/> Plenario | cuota anual: | 3.000 ptas |
| <input type="checkbox"/> Infantil (ata 12 anos) | | 750 ptas |
| <input type="checkbox"/> Xuvenil (ata 18 anos) | | 1.500 ptas |
| <input type="checkbox"/> Estudiante | | 2.250 ptas |
| <input type="checkbox"/> Familiar | | 4.500 ptas |
| <input type="checkbox"/> Protector (toda a vida) | | 150.000 ptas |

En tódolos casos, recibirás o boletín
"Paspallás" cada 3 meses.



Domiciliación:

Banco / Caixa: _____

Sucursal: _____

Nº de conta: _____

Sr. Director do Banco / Caixa de Aforros:
préglolle admita os recibos que no sucesivo lle
remita a Sociedade Galega de Historia Natural,
dende a data: _____

Sinatura: _____

REMITE: SOCIEDADE GALEGA DE HISTORIA NATURAL,
APDO 330, SANTIAGO.

O s recursos non renovables da Terra deben usarse de forma que se evite o seu esgotamento e se asegure que toda a humanidade comparte os beneficios do seu uso.

Declaración de Estocolmo. Naciones Unidas, 1972.

PASPALLÁS

Boletín da Sociedade Galega de Historia Natural.



PERIÓDICOS